



簡狄在臺譽何宜玄鳥致貽女何喜

簡狄侍帝譽於臺上有鷺墮卵吞而生契詩言之  
春高禘之祀有自來爾



該秉李德厥父是臧



該秉李德厥父是臧

蓐收為少皞氏之少子虎爪手鉞尸刑以司慝言該之德  
 能嗣於父故列於神以主天下之刑今所為白虎神也陸  
 探微有五方司天圖加以金鐘亦兌西之義也

牧亦羊



胡終弊於有扈牧夫牛羊

有扈，夏國名也。澆滅夏國，相相之子少康為有仍，牧正典牛羊，乃滅澆而復夏。則圍樞之不可測，況一成一旅邪。

干鏢昔舞




于協時舞何以懷之

舞于格苗書載之矣字學謂舞下從舛象兩人對舞也但  
箭翟于勺今不具見故存之於圖



平脅曼膚何以肥之

對云辛后駭狂也嗟乎不類之夫膏寶克膏大率如是故  
臍可燃而帝可羝矣



有扈牧豎云何而逢擊牀先出其命何從

有啓時有扈氏本牧豎何逢而得侯及啓攻之親殺於牀夫以賤豎竊神器天人共憤剝床者寓言不安也

秉德尋牛  
往營班祿



恒秉季德焉得夫朴牛何往營班祿不但還來

易能常秉契之末德出獵得大牛之瑞而還以禽遍班祿  
惠於百姓也專恩溥利理之所有柳之對亦泥矣



棘負荻棘



昏微循迹有狄不寧何繁鳥萃棘負子肆情

注晉大夫解居父聘於吳過陳之墓見婦人負其子欲肆  
情焉婦人引詩刺曰墓門有棘有鴉萃止獨不媿鴉乎蓋  
循闇微之迹而有夷翟之行不可以寧其身柳子對以彼  
衷之不目而徒以色視則解父是也嗟乎相戲於朝陳事  
也墓門之詩媿株林矣秋之世鶉奔鹿聚非聖人防維  
幾何而禽獸之不若矣是圖可補烈女傳



眩弟並淫危害厥兄何變化以作詐後嗣而逢長

注象眩惑其父以危兄弟問者虛詞對者實指爲象也特  
有鼻之祠至唐不墜又豈親愛所及哉

吉妃  
水濱  
小學



成湯東巡有莘爰極何乞彼小臣而吉妃是得水濱之木得彼  
小子夫何惡之媵有莘之婦湯出重泉夫何罪尤不勝心伐帝  
夫誰使挑之

楊注伊尹母妊身夢神女告之曰白龜生蛙亟去母走其  
邑盡大水母溺死化為空桑有兒啼即尹也柳子曰或者  
為是說以蠹伊尹之聖也然空桑重泉皆地名也或即是  
而名其地邪遂畫之然歷陽之人化為魚鼈如前注所云  
又復可疑



會鼂爭盟何踐吾期

武王將伐紂紂遣膠鬲視師還報以甲子日會大雨武王  
 曰吾甲子日不至紂必殺膠鬲吾欲抹賢者之死圖中奮  
 驅以想聖人之仁若安於清塵灑道則灌壇令之陰符也  
 何足問

叔旦  
爨命  
竝驅  
數囊



蒼鳥羣飛孰使萃之到擊紂躬叔旦不嘉何親揆揆足周之命  
以咨嗟授殷天下其位安施反成乃亾其罪伊何爭遣伐器何  
以行之竝驅擊翼何以將之

注武王之將帥如鷹之羣飛此孰聚之者白魚入舟周公  
曰雖休勿休故曰叔旦不嘉見人心之附驥則奮於蒼鳥  
徵天道之靈耻則躍於白魚



昭后獻白雉



昭后成遊南土爰底厥利惟何逢彼白雉

昭后於越裳氏逢白雉而後有南土之底也獻鳥者佛其首畫其禮也

穆王上環理



穆王巧梅夫何為周流環理天下夫何索求妖夫曳銜何號于市周幽誰誅焉得夫褒姒

柳對穆僭祈招倡佯以遊輪行九野唯怪之謀儒賊厥說爰屢其孤幽禍挈以夸憚褒以漁故畫者略幽而詳穆也然得狼鹿以歸本之國語其云巧梅者或造父之詭御也若瑤池白雲之謠則幻矣曷足問或曰古無騎然左師展將以公乘馬歸劉炫注公單騎而歸禮曰前有車騎者可證

齊桓負斃



天命反側何罰何佑齊桓九會卒然身殺  
齊桓加合卒至身殺知假之不可久也取屍蟲出戶五子  
爭立以為不遠之戒



箕子  
不醜



彼王紂之躬孰使亂惑何惡輔弼讒諂是服比干何逆而抑沈  
之雷開何順而賜封之金何聖人之一德卒其異方梅伯受醜  
箕子佯狂

雷開受賜不足畫止以箕狂梅醜為圖著古人順受之正

殷紂  
 昌黎  
 醜上  
 帝罰  
 殷紂  
 昌黎  
 醜上  
 帝罰




稷維元子帝何篤之投之于冰上鳥何燠之何馮弓挾矢殊能  
 將之既驚帝切激何逢長之伯昌號衰秉鞭作牧何令徹彼岐  
 社命有殷之國遷藏就岐何能依殷有惑婦何所譏受賜茲醢  
 西伯上告何親就上帝罰殷之命以不救

亥分作四圖然周以后稷積功累代有數十聖而後王天  
 下卜年八百則一心之運也故合之



師望在肆鼓刀揚聲后何喜武發殺殷何所悒載尸集  
戰何所急

呂望在肆鼓刀文王問之對曰下屠屠牛上屠屠國文王  
喜載以歸武王纘文之緒故奉木主伐紂則太公之事也  
乃不分圖



伯林維經

伯林維經其何故何感天抑地夫誰畏懼

注伯長也林君也晉太子申生維經也又禱紀云伯迫也迫於林中也王克云申生維經林木震實自古忠孝未有不感天地也持此又可辯子厚蟪訟蜷賊之對

集命·受輔



皇天集命惟何戒之受禮天下又使至伐之初湯臣摯後茲承  
輔何卒官湯尊食宗緒

皇天節或有連及下文者或有虛說者今合之湯初臣伊  
尹後乃師承足官天下而垂緒今畫作北面相揖微有謙  
遜不違之義學焉後臣豈欺我哉



勦盟壯齒



勦闔夢生少離散亡何壯武厲能流厥嚴

闔閭少亡在外壯厲武以自威

彭鏗巽雉帝何饗受壽永多夫何久長  
帝貴壽



彭鏗巽雉帝何饗受壽永多夫何久長

彭祖進雉羹事堯八百歲猶自悔不壽恨枕高而唾遠注  
奇因附之

天問圖  
微命



中央其牧后何怒蠶蟻微命力何固

牧艸名中州有岐首虵共爭食以自醫王注喻夷狄之自相殘噬者是也柳對以細腰羣飛夫何足病乃盡蠶





驚女采薇鹿何祐北至回水萃何喜

昔有女子采薇驚走回水上止而得鹿家遂福喜也

噬  
百兩




兄有噬犬弟何欲易之以百兩卒無祿

秦伯有犬弟鍼請之 百兩車也魯昭元年鍼奔晉其車千乘坐多故出奔 畫犬車上本載儉歌驕義也

環閣賔社  
爰也中子文

普地



薄暮雷電歸何憂厥嚴不奉帝何求伏匿穴處爰何云荆勳作  
帥夫何長先悟過改更我又何言吳光爭國久余是勝何環穿  
口問社丘陵爰出子文吾告堵敖以不長何試上自子忠名彌

彰

薄暮伏匿荆勳等問不能為圖故略之止以環閣穿社爰  
生子文者畫之楊柳對曰於菟不可以作遂為圖本非臆

也

天問圖跋  
余師之學博而能精不能徧觀而盡識者獨繪事也歟哉  
然而鱗角專場虎頭讓席即以繪事名天下矣極古今名  
象之微天地事物之變可喜可愕之情濡以蛾絲運以鼠  
鬚俾觀者疑胸頓開飢目得飽如茲天問之圖五十有四  
冊附以自注編繫於下錯取叔師之義子厚之對晦庵之  
注萬里之解包舉折衷略無賸蘊可不謂神哉余侍師側

備較錄計逾年而圖始成於是孫蘭借靈婦駉競市而構  
者欲穿鐵限矣故自閭巷以迄四方後生耆宿莫不捐百  
慮奉一函指顧歡躍未能罷去若觀郭禿之呈於中宵燈  
下也不知其出於鉛槧而屬腐棗爾畫師行且老非深思  
好古殫心絕技誰肯任是者令及門之徒贊一辭於雁鴛  
之尾旣不可得世且謂屈子取不根之說憤激彷徨皇上咎  
真宰非如騰蘭水陸之教能肖其情則當日古廟長牆金  
碧森列啓王孫之呵殿者蓋亦取意不取像安能與刻舟  
索駿之徒同類而共笑之哉世如通其說一言之知或以  
余爲哀梨不知其出於精且博之外者又非款啓之所能  
識也門人張秀壁百拜敬題

